

欽定大清會典事例

卷

一千一百九十三至
一千一百九十五

內務府

倉廩

供具

園囿

欽定大清會典事例卷一千一百九十二

內務府

倉廩

豐益倉

恩豐倉

豐益倉○雍正七年奉

旨○安河橋設倉一座○每年著委內務府司官一人內管
領一人監管○乾隆十六年奏准○昆明湖戰船水手○

附於正黃旗第四旗鼓佐領下○應領米石○就近
於豐益倉關支○該佐領下領催監放○十八年
增設江蘇省水手如例○三十七年奏准○豐益
倉歸倉場管轄○監督由戶部掣補○內務府官員

停止委派。

恩豐倉。乾隆二十八年奏准。

東華門外空閒圍房。設恩豐倉一座。令倉場運儲米石。以備太監等支領。委內務府司官一人內管領一人。更年收放。倉房七十四間。大廩七座。每座存米三千石。小廩五座。每座存米一千八百石。照各倉之例。編寫天地宇宙日月盈餘秋收冬藏十二字號。由倉場衙門按字號進米備放。放米之日。由都虞司派押旗參領。由宮殿監侍等派首領太監。至期赴倉。會同押旗參領彈

壓領米。凡三旗太監等每季應領米石。俱由本
倉支放。鑲黃正黃旗定於正月。四月。七月。十月。
正白旗定於二月。五月。八月。十一月。由本倉指
定日期。知會該旗。傳知領米之人。赴倉支放。每
期限三日內領竣。各處座俱由都虞司派章京
領催披甲人等。輪班看守。其書算花戶。皂役小
甲。扛夫人等。俱於三十內管領下人丁內。挑取
現食錢糧。蘇拉承充。共占用蘇拉三十二名。每
年共領米三萬石。分為三色。粳米一萬五千石。
秣米九千石。粟米六千石。其一年收支數目。於

每屆收放完竣後。呈堂銷算。統於歲終彙總具題。如有餘存。仍咨行倉場衙門。入於次年應領米數內支放。每三年官三倉查倉之時。本倉存儲米石。一體盤查。○嘉慶十八年奏准。恩豐倉歷年餘存土米。現經篩颺。約得稔米八百餘石。以四百石交總管太監。分賞各該處食二兩太監。其餘米石。暫存倉內。以備明歲賞用。再恩豐倉每年收存放給各太監等米二萬石。內蒙頭廩底進餘米五百五十餘石。內除折耗。約可餘淨米二三百石。土米二三百石。嗣後此項土米。

貴 每年篩颺一次得有確數並所得餘米年終奏
銷後一併分賞各該處食二兩太監○同治元
年

諭嗣後發運內倉恩豐倉米石務須查明米石堪以起
運再行知照該倉並將米樣一併檢送各該衙門於
文到日即飭該倉監督認真驗收毋得稍逾例限

供具

茶膳房分例

肉房備用

乾肉庫備酒

醋房監造

菜庫備用

皇 茶膳房分例○膳房恭備分例

御前每日盤肉二十二斤湯肉五斤豬油一斤羊二

雞二鴨三。當年雞三。

皇后前。每日盤肉十六斤。菜肉十斤。雞一鴨一。

皇貴妃前。每日盤肉八斤。菜肉四斤。每月雞鴨各

十五。

貴妃前。每日盤肉六斤。菜肉三斤八兩。每月雞鴨

各七。

妃前。每日盤肉六斤。菜肉三斤。每月雞鴨各五。

嬪前。每日盤肉四斤八兩。菜肉二斤。亦每月雞鴨

各五。

貴人。每日盤肉四斤。菜肉二斤。每月鴨八。常在。每

日盤肉三斤八兩。菜肉一斤八兩。每月雞五

皇子。每日盤肉四斤。菜肉二斤。每月鴨十

皇子福晉。每日盤肉十二斤。菜肉八斤。側福晉。每

日盤肉六斤。菜肉四斤。俱無雞鴨。茶房恭備分

例

御前乳茶。例用乳牛六十頭。每日泉水十二罐。乳油
一斤。茶葉七十五包。

皇后前。例用乳牛二十五頭。每日泉水十二罐。茶葉
十包。

貴妃前。例用乳牛四頭。

妃前例用乳牛三頭

嬪前例用乳牛二頭

貴人常在等位應用乳牛於各分例內隨用俱每

日茶葉五包

皇子

皇子福晉例用乳牛八頭又每日茶葉八包凡乳牛一頭每日交乳二斤膳房每日用木柴一千一百斤炭一百三十斤自十月初一日起至次年正月三十日止每日添用寒柴五百斤寒炭六十斤肉房每日用木柴二百五十斤茶房每

日用木柴九百七十斤。炭十斤。自十月初一日起。至次年正月三十日止。每日添用寒柴二百斤。

皇子飯房。每日用木柴一百五十斤。炭二十斤。茶房每日用木柴一百六十斤。膳房屬下庖長四名。副庖長四名。庖人五十名。領班頂戴拜唐阿四名。拜唐阿四十一名。承應長五名。承應人八十四名。催長二名。領催十一名。廚役二十八名。又內膳房廚役六十七名。茶房領班頂戴拜唐阿四名。拜唐阿二十三名。承應長四名。承應人七

十一名。清茶房承應長四名。承應人十六名。乾肉庫庫長四名。委署庫掌二名。庫守十六名。凡廚役。惟內膳房六十七名內。有十名召募民充。餘俱於三旗人丁內挑補。又

皇子飯房。各設委署頂戴頭目一人。拜唐阿七名。承應人四名。庖人二名。茶房委署頂戴頭目一名。拜唐阿五名。承應人二名。

肉房備用。

盛京將軍。每年額交鹿七百八十隻。麇二百十隻。鹿尾二千箇。鹿舌二千箇。又鹿腸肚。麇腸。熊野

豬野雞樹雞等無定額。

盛京佐領等每年額交鵝六十隻。雜色魚四十尾。
盛京三旗網戶。每年額交雜色魚二萬四千斤。又
打牲烏拉總管等應交鱖魚。鯉魚。鱸魚。雜色魚。亦
無定額。俱據各該處咨送驗收。次日奏。

聞。又吉林將軍。黑龍江將軍。張家口外牛羊羣。達里
岡愛羊羣等處總管。應交鹿尾。野豬。鱸魚。細鱗
魚。野雞。樹雞等。及蒙古王公等進獻。燂羊。黃羊。
鹿尾。野豬。外省進獻。石花魚。太和雞。銀魚。野雞。
蛋等。俱由各該處奏進。按數目驗收。又關外莊。

頭每名每年各交鵝一隻。由會計司。三旗果園頭。每年額交野雞三千隻。由掌儀司。王多羅樹牲丁。每年額交鹿一百二十隻。鹿尾一百二十箇。由都虞司。俱據各該處咨送驗收。以上物件存儲肉房備用。年終以收過用過數目彙總奏銷。

乾肉庫備用○

盛京將軍每年額交鹿筋一百斤。獐麇背什骨虎威骨虎脰骨無定額。

盛京佐領每年額交臘豬二十口。鹹魚一千五百

斤醃鹿尾無定額。打牲烏拉總管等每年額交
煤鱸魚十瓶。山韭菜三瓶。稗子米。鈴鐺麥。生熟
魚條。白麪。挂麪。燕窩。百合。山藥。魚筍等無定額。
俱據各該處咨送驗收。次日奏。

聞。又吉林將軍每年額交稗子米。鈴鐺麥。煤鱸魚。鹿
肉乾。山韭菜。小根菜等。黑龍江將軍應交白麪
等。由各該處奏進。按數目驗收。王多羅樹牲丁
應交鹿肉乾二千七百把。由都虞司張家口外
牛羊羣總管等應交乳油七百四十九瓶。十一
斤。四兩乳酒三百六十五瓶。大乳餅二石一斗。

二斤八兩由慶豐司俱據各該處咨送驗收。以上物件存儲乾肉庫備用。年終亦以收過用過數目彙總奏銷。其每年應用羊隻羊羔等由慶豐司。鮮魚薑蒜等由掌儀司。米麪鹽醬菜蔬等由掌關防處交到之日。按數驗收備用。

茶膳房買辦。乾隆二十一年議准。

內廷所用豬雞等項。派膳房官員向光祿寺領銀二萬二千兩買辦。用過銀數。歲底覈實奏銷。仍咨光祿司查覈。○二十八年奏准。嗣後買辦豬雞等項。需用銀三萬兩。由戶部支領。每千兩扣

餘平銀二十二兩存交膳房。偶遇物價昂貴，即奏請支用。如積至十兩，奏明歸入正項。仍每月繕摺具奏。歲終將用過銀數題銷。○三十三年奏准嗣後買辦豬雞等項，改委內務府司員二人直年辦理。一年更換所買物件及用過銀兩，令直年官於歲終造冊呈報內務府大臣。並本處大臣等公同覈銷。○三十八年奏准庫存小菜火燄等項，如不敷用，交崇文門監督買辦。○四十三年奏准嗣後買辦豬雞等項，每年減銀四千兩，不必拘於春秋二季。陸續領銀二萬六

千兩如遇添辦差務不敷著該員呈明支領仍不得過三萬兩之數。又定嗣後現派買辦之員即領現年應用銀兩其上年所用銀兩著原辦之員自行繳納戶部以完帑項不必入於下年應領數內扣除。四十九年奏准買辦

內廷所用豬雞等項仍交膳房派員辦理照增定價值覈銷不必交內務府司員購辦。五十年奉

旨嗣後買辦應用銀兩不必由戶部支領徑由廣儲司銀庫領取